

中國醫學大辭典

冊下

商務印書館



武進謝觀編纂

中國醫學大辭典

冊下

商務印書館發行

CYCLOPEDIA OF CHINESE MEDICINE

BY

SIEH KUAN

1st ed., July, 1921

4th ed., March, 1926

Price: \$12.00, postage extra

THE COMMERCIAL PRESS, LIMITED

SHANGHAI, CHINA

ALL RIGHTS RESERVED

中華民國十五年七月初版

（中國醫學大辭典二冊）

（每部定價大洋拾貳元）

（外埠酌加運費匯費）

編纂者 武進謝觀

發行者 商務印書館

印刷所 上海寶山路商務印書館

總發行所 上海棋盤街中市商務印書館

分售處 商務印書館
北京 天津 保定 奉天 吉林 龍江
濟南 太原 開封 西安 南京 杭州
蘭谿 安慶 蕪湖 南昌 九江 漢口

長沙 常德 衡州 成都 重慶 廈門
福州 廣州 潮州 香港 梧州 雲南
貴陽 張家口 新嘉坡

※此書有著作權翻印必究※

十一 畫

【乾】(音干)燥勝之病。如津液枯竭。皮膚燥澀之類是。

(素問陰陽應象大論)燥勝則乾。

【乾元】頭胎男子之胞衣也。詳胞衣條。

【乾冬菜】冬菜之蒸熟曝乾者。性質甘平無毒。功用開

胃。和中下氣。益血生津。補虛勞。利三焦。通二便。治痰

嗽。聲音不出。(泡湯飲)噤口痢疾。療白火丹。(煎湯

洗。并煎服)湯火傷。(和酒搗爛塗)雜論此物氣香

味甘。秉性中和。爲補益之品。功與參耆相近。婦人產

蓐以之。下粥。大爲有益。年久者尤佳。

【乾生地露】性質甘寒。平無毒。功用養陰血。退浮陽。治

吐衄。血虛發熱。嘈雜煩悶。婦人月經不調。雜論一切

陰液已傷。餘火未清者。用以代茶。最爲相宜。取其清

餘熱。平虛火。其功用與鮮者不同。

【乾皮痘】痘之形微紅。而乾枯帶黑者。此由氣少血枯

所致。急宜調補氣血。

【乾地黃】地黃根之拌酒曬乾者。性質甘寒無毒。(或

作苦平)功用養陰。退陽。涼血。生血。補腎。長志。安魂。定魄。通血脈。益氣力。利耳目。強筋骨。填骨髓。長肌肉。破惡血。助心膽氣。利大小腸。治諸痺。血瘕。溼熱。寒熱。(作湯服)驚悸。勞倦。五勞。七傷。痿躄。嗜臥。皮膚燥。血虛發熱。常覺飢餓。五心煩熱。五臟內傷不足。心病。掌中熱。痛心。肺損。吐血。唾血。鼻衄。齒痛。胃中宿食。飽力斷絕。胸膈痞滿。脾氣積聚。溺血。足下熱痛。婦女傷中。月經不調。崩中。血暈。胞漏。下血。妊娠胎動不安。產後腹痛。惡血不止。(搗末。熱酒服)療折跌絕筋。久服輕身。變白髮。不老延年。雜論此物稟仲冬之氣。兼稟地之和氣。以生。氣薄味厚。性洗而降。屬陰。(一作陰中之陽)入心。肝。腎。心。包。小腸。五經。爲滋陰涼血之品。補腎之要藥。以產於河南沁陽縣境。肥大而短。糯體細皮。菊花心。而洗水者爲佳。製法。每生地黃一束。擇其肥者。六成。洗淨。曬令微皺。餘四成。則洗淨。搗絞濃汁。將滓投酒中。漬透。再絞取汁。拌於已曬地黃之上。再曬。再拌。至汁盡爲止。得清酒。麥冬。丹皮。當歸。良薑。薑汁。浸則不泥膈。酒製則不妨胃。畏蕪荑。惡貝母。忌

蒸。葱。蒜。銅。鐵。器。及。諸。血。物。誤。犯。之。能。令。人。腎。消。髮。白。男。則。損。營。女。則。損。衛。但。性。寒。而。潤。凡。脾。虛。泄。瀉。胃。虛。食。少。者。均。忌。之。

【乾地黃丸】證治準繩方。功用治疔勞。藥品生乾地黃。郁李仁。湯浸。去皮尖。微炒。各五錢。牛膝。防風。桂心。海桐皮。羌活。白茯苓。薏苡仁。各二錢五分。製法共研細末。煉蜜為丸。如綠豆大。用法每服七丸。乳前溫酒送下。量兒大小加減。

【乾血氣】此證因經水久閉。氣上衝心所致。宜絲瓜散。掌中金丸之屬。或用川大黃為末。醞醋熬膏。丸如芡實大。每服一丸。酒化開。臨臥時溫服。參看經閉條。

【乾血勞】勞證之有枯血者。凡勞動過度。積熱傷陰。血液枯涸。身體羸瘦。腹滿不能飲食。肌膚甲錯。面目黯黑。以及婦女經水久閉。血枯血熱。積久不愈者。其筋骨之間。多有枯血菟結。以致新血難生。積熱難退。如清熱攻枯血。宜服大黃蟄蟲丸。養血和血。宜四物湯。當歸補血湯。參看虛勞及血枯經閉條。

【乾陀木】雜木類。形態生於西域。樹大皮厚。葉如櫻桃。

葉。皮可療疾。詳本條。

【乾陀木皮】性質溫平無毒。功用溫腹。煖胃。止嘔逆。破宿血。治癥瘕。氣塊。婦人血閉。腹內血塊。酒煎服。

【乾柿】即柿餅。

【乾柿散】沈氏尊生書方。功用治便血。藥品乾柿。不拘多少。燒存性。用法研為末。每服二錢。熟湯調下。

【乾疥】疥瘡之搔癢皮起結乾痂者。宜消風散。外擦繡毬丸。餘詳疥瘡條。

【乾苔】海苔之乾者。

【乾苜蓿】獨腳一枝蓮之別名。

【乾風】此證屬肝腎二經。由於肺氣虛而感風邪。金虛不能生水。腎之本源枯涸。以致肌膚乾燥。且風邪入於皮膚既久。變熱成溼。故身無痛處。漸生黑白斑點。手足心底發熱如烙。遍身發癢。治宜復元丹。並用藥湯洗浴。避風取汗。遲則難治。

【乾欬】欬喘而無痰者。治法如下。因傷酒積熱者。宜瓊玉膏滋潤之。因痰鬱火邪在肺者。宜先用逍遙散加苦梗以開提之。後用六味丸加五味。或本事髓。

甲丸加熱地當歸。白芍。麥冬。阿膠。茯苓。之屬以補之。
①因色慾過度。腎水不升者。宜八味丸蒸動之。②因
肝燥礙肺。脅痛潮熱。女子則月事不來者。宜千金家
膏丸。或上清丸滋調之。③因心血耗散。遇有思慮則
發者。宜歸脾湯加麥冬。五味。作膏蜜收。其中木香減
半。或換砂仁。另爲細末。離火加入。以滋養之。④辛甘
潤肺。用蜜煎薑橘。或蜜燒連皮胡桃服之。體虛者用
人參同蜜燒胡桃。不時細嚼。或煎服尤妙。參看欬嗽
條。

【乾疳】此證身體壯熱。時或憎寒。舌澀口乾。睡多盜汗。
皮膚枯燥。髮立毛焦。乳食雖多。肌肉消瘦。四肢無力。
好睡昏昏。大抵憔悴少血。舌乾多啼者。其病在心。目
不轉睛。雖啼無淚者。其病在肝。身熱尿乾。手足清冷
者。其病在腎。聲焦皮燥。大便乾結者。其病在肺。閉口
酣睡。胸脘乾渴者。其病在脾。治法如下。①宜聖惠天
竺黃散。青黛丸。牛黃丸。胡黃連丸。青黛散。之屬。②天
靈蓋。生鼈甲。青黛。黃鹽。各一分。同研令細。日服一字。
空腹時熱湯送下。③牛黃。雄黃。蘆薈。青黛。丁香。黃連。

(去鬚)熊膽(另研)蛇蛻皮(焙爲灰)天竺黃。天漿
子(微炒)犀角屑各一分。胡黃連。五錢。乾蟾酥。五分。
(另研)麝香一錢。共研極細。煉蜜爲丸。如綠豆大。每
服三九。粥飲送下。日三服。兒大酌加。參看疳條。

【乾疽】肩疽之生於肩前廉者。屬大腸經。
【乾脅痛】當脅一點作痛不止也。此由酒色過度所致。
證頗危篤。急宜大補氣血。補肝散主之。參看脅痛條。
【乾眼藥】驗方。功用治肝腎虧損。眼目昏花。星障雲翳。
及一切新久目疾。藥品。爐甘石(製)地栗粉各四兩。
冰片八錢。用法。研爲極細末。瓷器密收。每用少許。點
入眼角。合眼靜坐片時。無不神效。

【乾肺毒】黍米中藏乾肺。食之中毒者。宜用大豆濃煮
汁。飲數升。卽解。
【乾陷】三陷之一。凡癰疽等證。膿腐未透。營衛已傷。根
盤紫滯。頭頂乾枯。漸至神識不爽。有內閉外脫之象
者。法不治。

【乾魚】鮑魚之乾者。
【乾棗】棗實之曝乾者。

【乾黃】即陽黃。

【乾腳氣】此證足部筋脈蹇縮。枯細不腫。多因他病而發。有時氣上衝心者。屬熱勝。宜涼血清火。治詳腳氣條。

【乾葛】葛根之曬乾者。

【乾葛湯】①深師方。功用治產後中風。口噤不能言。藥

品。乾葛一兩五錢。獨活（去蘆）二兩。甘草五錢（炙）

生薑一兩二錢五分。用法。咬咀。每服一兩。清水二大

盞。煎至一大盞。去滓。不拘時溫服。②證治準繩方。③

功用和胃。藥品。葛根二兩。枳實（去白。麩炒）。梔子仁

豆豉各一兩。甘草（炙）五錢。用法。每服四錢。清水一

盞。煎至八分。不拘時溫服。④功用治酒痔。藥品。乾葛

枳殼（炒）半夏（薑製）生地黃赤茯苓杏仁各一錢

五分（一作各一錢）黃芩甘草（炙）各五分。用法。清

水二鍾。加黑豆一百粒。生薑五片。白梅一個。煎至一

鍾。食前服。

【乾葛飲】證治準繩方。功用治發背作渴。藥品。乾葛一兩。黃芩。朴硝各一兩二錢五分。用法。剉散。每服三錢。

加枇杷葉（去背。上白毛。淨洗）清水煎。不拘時服。

【乾嗽】治與乾欬同。

【乾嗽補肺膏】即補肺膏。

【乾嘔】有聲無物而嘔涎沫也。（金匱嘔吐噦下利病

脈證篇）乾嘔吐逆吐涎沫。半夏乾薑散主之。（又）

乾嘔吐涎沫頭痛者。茱萸湯主之。（又）乾嘔噦若手

足厥者。橘皮湯主之。按此證乃胃家氣血兩虛所致。

治宜橘紅煎湯。入薑汁白蜜少許。細細呷之。胃虛者

加人參。胃寒者加炮薑。氣逆者吳茱萸湯。胃熱者梔

子竹茹湯。或川連竹茹為主。蘇葉為引。乾嘔發熱者。

黃芩湯。乾嘔而利者。黃芩加半夏生薑湯。卒然乾嘔

不息者。用甘蔗汁溫服。日三次。或入薑汁搗葛根絞

取汁服。酒後乾嘔者。宜甘蔗汁飲數次。參看嘔吐噦

條。

【乾漆】漆液之自然乾者。性質辛溫無毒。（或作鹹苦

平有毒）功用瀉除風。補中消積。殺蟲。破瘀血。續筋

骨。填骨髓。安五臟。利小腸。治五緩六急。風寒溼痹。積

滯。痞結。傳尸勞。欬嗽。喉痹。欲絕（燒烟以筒吸之）蠱

毒(糊丸酒服)九種心痛。(炒至烟盡研末醋煮麪糊爲丸酒服)腰痛婦女血氣(研末和溼漆熬糊丸酒服)疝瘕經閉療絕傷下部生瘡(研塗)久服輕身耐老。羅論此物性降陽中之陰毒而殺蟲降而行血爲散瘀去滯之良品以狀如蜂房孔孔相隔凝結如靛色黑者爲佳製法搗碎炒令烟盡爲度或燒存性用半夏爲使畏川椒紫蘇雞卵蟹忌油脂然大傷營血胃氣若胃虛大瘡及無瘀血者均忌之中其毒者杉木紫蘇漆姑草並可解之。

【乾漆丸】證治準繩方。功用治伏梁。藥品乾漆(搗碎炒烟盡)芫花(醋拌炒)鼈甲(去裙襴醋塗炙)硃砂各一兩。桃仁(去皮尖麩炒)木香(不見火)川烏頭(去皮臍剉鹽拌炒黃)各五錢。雄黃(研細)麝香(另研)各二錢五分。製法共研細末令勻。醋煮麪糊爲丸。如綠豆大。用法每服十九丸。食前熟湯送下。

【乾漆散】證治準繩方。功用治婦人疝瘕久不消。黃瘦尪羸。兩脅妨悶。心腹疼痛。藥品乾漆(炒令烟盡)木香芫花(醋炒)赤芍藥桂心當歸川芎琥珀(另研)

各五錢。大黃(炒)二兩。牛膝七錢五分。桃仁一兩。麝香二錢五分。用法研爲細末。每服一錢。不拘時溫酒調下。

【乾漿】痘瘡膿已成而復發熱者。不必施治。自愈。【乾霍亂】此證先由胃中氣虛。卒中邪惡污穢之氣。鬱於胸腹之間。致胸腹驟脹。遍體紫黑。上不得吐。下不得瀉。腸胃絞痛異常。初起時。頭頂心必有紅髮。急尋出拔去。再以三稜鍼刺委中。或刺少商穴。或捋兩臂令惡血聚指頭刺之。擠出熱血。可立蘇。更用新汲涼水或熱童便入鹽兩許。恣飲。吐瀉即止。切忌用涼藥及火酒薑蒜穀氣米飲諸熱湯。如蘇合香藿香檀香乳香芒硝童便川芎白芷蒼朮及二陳湯藿香正氣散石二至石八之屬。均可適用。參看霍亂條。

【乾膿散】瘍醫大千方。功用治乳癰膿汁久出不已者。藥品海螵蛸天竺黃飛血丹(炒紫色)輕粉各二錢。麝香二分五釐。降香老節三錢。用法研爲極細末。乾摻瘡口。不數日膿乾口斂。

【乾薑人參半夏丸】金匱要略方。功用治妊娠嘔吐不

止。藥品乾薑、人參各一兩，半夏（湯洗去滑）二兩。製法：共研末，生薑汁糊為丸，如梧桐子大。用法：每服十九米飲送下，一日三服。

【乾薑丸】太平聖惠方。藥品乾薑、枳殼、橘紅、葛根、前胡各五錢，白朮、半夏、麴各一兩，吳茱萸、甘草各二錢五分。製法：共研細末，煉蜜為丸，如梧桐子大。用法：每服三十九米飲送下。

【乾薑甘草湯】證治準繩方。功用治陰乘於陽，心肺寒而嘔血。藥品乾薑、甘草各五錢。用法：咬咀，清水煎服。

【乾薑地黃散】張氏醫通方。功用治妊娠漏胎下血。藥品乾薑、泡一兩，乾地黃六兩（切焙）。用法：為散，每服方寸匕，溫酒調下，每日三次。

【乾薑附子湯】傷寒論方。功用治太陽證下之後，復發汗，晝日煩躁不得眠，夜安靜，不渴，不嘔，無表證，脈沈微，身無大熱者。藥品乾薑一兩，生附子一枚（去皮，切八片）。用法：清水五升（一作三升）煮取一升，去滓頓服。釋論：太陽底面便是少陰，太陽證誤下之，則少陰之陽已虛，又發其汗，則一線之陽，難以自主，陽

旺於晝，陽虛欲援同氣之救助而不可得，故煩躁不得眠。陰旺於夜，陽虛必俯首不敢爭，故夜則安靜。又申之曰：不嘔，不渴，脈沈微，無表證，身無大熱，辨其煩躁之絕非外邪，而為少陰陽虛之證也。則回陽之薑附最宜矣。

【乾薑柴胡湯】證治準繩方。功用治婦人傷寒，熱入血室，寒熱如瘧，或狂言見鬼。藥品乾薑（泡）三分，柴胡一錢，栝樓根五分，桂枝、牡蠣（煨）、甘草（炙）各三分。用法：清水煎服，汗出而愈。

【乾薑茯苓湯】即乾薑茯苓白朮煎湯服。

【乾薑根】靈樞壽夭剛柔篇：乾薑一斤，按乾薑即生薑根之乾者。製法：取生薑根水淹三日，去皮，置水中六日，更刮去皮，曬乾，置瓷缸中，釀三日，乃成。或僅於長流水洗過日曬，以白淨結實者良。性質辛溫無毒（或作苦，又作大熱）。功用：宣結燥溼，發表通脈，消痰下氣，溫中止血，去滯消食，利肺扶脾，開胃通五臟六腑，四肢關節諸絡脈，治臟腑諸寒氣凝結，冷淚目昏（泡湯點之），目睛久赤，目中卒痛（納眥內有汁

出拭之。虛勞不眠。爲末。湯服。取微汗。鼻紅。鼻塞。
（調蜜納）鼻衄。煨納。吐血。爲末。童便調服。唾血。
上氣胸滿。欬逆。反胃乾嘔。心痛。爲末。米飲服。寒痞。
冷痹。風溼痹。風邪冷熱。諸毒。皮膚結氣。腰腎間寒痛。
肚腹寒痛。中惡。霍亂轉筋。脹滿。癥瘕。腸癖。下痢。寒瀉。
（炮研末。粥飲服）血痢。燒黑存性。爲末。米飲下。夜
多小便。陰陽易病。爲末。白湯調服。取汗。療撲損。虎
狼傷。爲末。敷。獺犬傷。研末服。並炙熱熨。解蛇毒。
（敷之）**糶論**此物升散力減於生薑。而溫性則比生
薑爲甚。半沈半浮。氣薄味厚。入心。肺。脾。胃。腎。大腸。六
經。能引血藥入血分。氣藥入氣分。去惡生新。使陽生
陰長。引以黑附。則能入腎而祛寒溼。能通絕脈。而回
元陽。同五味則利肺氣。而治寒嗽。燥脾溼。而補脾陽。
通心陽。而補心氣。但性辛熱。頗甚。用時須以甘草緩
之。多食則燦陰液。而耗元氣。所謂壯火食氣也。若陰
虛內熱。陰虛欬吐血。表虛有熱。自汗盜汗。臟毒下
血。因熱而嘔惡。或脹痛者。均忌之。參看薑條。又有天
竺。乾薑。詳本條。

【乾薑理中湯】卽理中湯。

【乾薑散】①三因極一病證方。【功用】治懸癰卒暴腫大。

【藥品】乾薑半夏（湯洗去滑）各等分。【用法】研爲細末。

每用少許。著舌上嚙津。②沈氏尊生書方。【功用】治下

焦溼。【藥品】乾薑白朮茯苓甘草。【用法】剉散。清水煎服。

【乾薑黃連人參湯】卽乾薑黃連黃芩人參湯。

【乾薑黃連黃芩人參湯】傷寒論方。【功用】治傷寒寒格。

食物入口卽吐。並治胃虛客熱痞滿。【藥品】乾薑黃連

黃芩人參各三兩。【用法】清水六升。煮取二升。去滓。分

溫二服。【糶論】傷寒本爲寒證。若誤吐下而益傷其陽。

則寒邪格壅於中焦。以致食入卽吐。故方中用乾薑

辛溫。爲君以救其寒。芩連苦寒。從治以解其格而降

其氣。再以人參扶胃氣之傷。則格可開而食可納矣。

【乾歸】卽當歸。

【乾雞筋】淫羊藿之別名。

【乾藕節】藕節之陰乾者。

【乾藕節散】沈氏尊生書方。【功用】治吐血。【藥品】乾藕節

不拘多少。【用法】研爲末。每服方寸匕。溫酒調下。每日

二次。

【乾蟾】蟾之曬乾者。

【乾蟾丸】●太平聖惠方。功用治小兒五疳驚風。藥品乾蟾一枚。五月五日者良。蛇蛻皮一條。火煨。穀精草二兩。與前藥同入罐子內。以鹽泥固濟。曬乾。燒令通赤。放冷。研細。胡黃連。為末。瓜蒂。為末。母丁香。為末。牛黃。龍腦。硃砂。雄黃。蘆薈。天竺黃。麝香。各一分。青黛。五錢。製法。入乳鉢內。研令極細。用豬膽汁煎麪糊為丸。如綠豆大。用法。一二歲兒每服五丸。溫米泔半合化下。服後。桃柳湯浴兒。以青衣蓋之。疳蟲當出衣上。及眉毛鬢邊。如細麩片子。或如摻面塵毒。黃白色易治。黑色者難治。仍宜粥飲下。二丸。每日三次。甚者半月瘥。●證治準繩方。功用同上。藥品。乾蟾一枚。燒灰。天靈丹灰。五錢。麝香。五釐。蟬殼。去足。炒。鼈甲。酥炙黃焦。去裙襖。各一分。製法。共研細末。燒飯為丸。如綠豆大。用法。小兒二歲以下。每服一九。三歲以上。至五歲。二丸。蛤粉湯送下。服後。桃柳湯浴兒。用青衣蓋之。當有蟲出。赤白者輕。黑色者

重。

【乾蠟】蠟之曬乾者。

【乾癬】癬之搔出白屑。索然彫枯者。治法如下。●水銀。胡粉。雞蛋清調敷。●雄雞冠血塗之。●胡粉炒黃赤。色。醋調塗。●桃樹白皮搗爛。醋和塗。參看癬條。【乾癩】胎癩瘡之乾者。

【偃刀】怪脈之一。其來如仰起之刀。口銳背厚者。素問大奇論。脈至如偃刀。偃刀者。浮之小急。按之堅大急。五藏菀熱。寒熱獨并於腎也。如此。其人不得坐。立春而死。

【偃月通明散】龍木論方。功用治偃月翳。藥品。防風。黃芩。人參。茯苓。各一錢。細辛。五分。羌蔚子。二錢。用法。研為粗末。清水二盞。煎至一盞。去滓。夜食後溫服。

【偃月翳內障】此證由腦風積熱注入目中所致。瞳人內上半邊。有白氣一灣。隱隱似新月之狀。覆垂向下。其色粉青。初起不覺。後漸結凝。為肝腎俱勞之證。又沐後不措乾。及痰火人好食燥膩溼熱物者。亦多患之。宜服偃月通明散。或墜翳丸。參看目內障條。

【假臥】臥倒也。〔素問病能論〕肺氣盛則脈大。脈大則不得假臥。

【假鼠】即鼯鼠。

【假收】痘瘡之面上稠密而忽然一時盡黑者。宜急治之。若作正靨。必死。

【假油柑】珍珠草之別名。

【假建】煙草葉絲之非產於福建者。參看真建及煙草葉條。

【假素馨】青藤仔花之別名。

【假寒】熱病而反見寒證者。如熱極而四肢厥冷。胃枯而舌苔白膩之類是。當察其原因以施治。

【假脹】痘瘡起脹時。皮薄不礙手。按之清水便出。而痘色不暗者。亟宜參朮耆草薑桂之屬提氣貫膿。否則十一二日不能回漿結靨而死。

【假熱】寒極而反見熱證者。如陰盛格陽於上之類是。當察其原因以施治。

【假豬螺】海螺之別名。

【假蘇】荊芥之別名。

【假靨】痘瘡之皮薄而輒。色白如梅花片子。靨薄易落。疤白血枯者。急宜溫補氣血。若誤以爲正靨。則至十一二日必毒氣內攻而死。若兼泄瀉喘渴腹脹寒戰咬牙者。不治。

【偏肩穴】肩髃穴之別名。

【偏枯】半身偏廢無用也。〔靈樞刺節真邪篇〕虛邪偏客於身半。其入深。內居營衛。營衛稍衰。則真氣去。邪氣獨留。發爲偏枯。〔九宮八風篇〕其有三虛而偏中於邪風。則爲擊仆偏枯矣。〔素問風論〕風之傷人也。或爲偏枯。〔生氣通天論〕汗出偏沮。使人偏枯。〔陰陽別論〕三陽三陰發病。爲偏枯痿易。四支不舉。〔大奇論〕脛有大小。髀節大跛。易偏枯。〔靈樞熱病篇〕偏枯。身偏不用而痛。言不變。志不亂。病在分腠之間。巨鍼取之。益其不足。損其有餘。乃可復也。按此證由於血氣偏虛。風邪留著臟腑。既入俞。則各入其門戶。隨俞左右而偏於一所。隔阻脈道。以致手足枯瘦。骨節疼痛。舉動不便。治法如下。●黃耆助真氣。爲必用之君藥。防風引黃耆以行。爲必用之臣藥。如順氣散。

勻氣散。虎骨散。舒筋保安散。虎脛骨酒。黃耆酒之屬。均可酌用。①用蠶沙數斗蒸熱。分作數袋著患處。冷即易之。另用羊肚釀粳米。葱白。薑椒。豆豉等。煮爛。日食一具。十日止。②因風與痰飲客在上焦。脈沈細者。並宜導痰湯加羌活。白朮。不應。宜六君子湯加當歸。寒加桂心。熱加竹瀝。③風從外入。身熱無汗惡寒。口眼喎斜。手足戰掉。語言蹇澀者。宜小續命湯加減。惟自汗者忌之。④多汗神昏。痰涎上湧者。宜大劑參耆。如補中益氣湯。十全大補湯。人參養榮湯。大建中湯之屬。⑤下體痿重。軟弱者。宜頸權防風湯。并用鍼灸法。⑥四肢頑麻。骨節痠痛者。宜史國公酒。⑦骨節離解。口面喎斜。便利無度者。宜麻黃附子湯加桂心。乾薑。芎藭。⑧上身無恙。下體軟弱。麻痺。小便或滴。或遺者。此足三陰虛證也。宜地黃飲補其下元。慎勿用燥溼攻痰藥。若果痰盛。用星香散。或二陳湯。溼盛用薏苡仁湯。兼氣虛者。用六君子湯。兼血虛者。用大秦芎湯。皆為合劑。又有左偏枯。右偏枯。筋枯。髑偏枯之別。各詳本條。參看風及中風條。

【偏枯痧】此證由風寒溼三氣。兼挾痧邪而成。自頭至身。半邊舉動不利。痛癢不知。口中流涎。若誤作中風治。必至痰裹瘀血。或吐血塊。而成不治之證。宜鍼絲竹空。肩井。曲池。風門。膏肓。魂門。胃俞。足三里。環跳。腎俞。委中。十一穴。及手足十指尖。再驗痧筋刺之。鍼後有效。再用紅花（炒）木香。旋覆花。玄胡索。丹參。穿山甲。山楂炭。橘紅（炙）薑黃。阜角。鍼。水煎服。參看痧條。

【偏風】〔素問風論〕風中五藏六府之俞。亦為藏府之風。各入其門戶所中。則為偏風。〔靈樞邪氣藏府病形篇〕肺脈微緩。為痿痺偏風。按即偏枯也。詳偏枯條。

【偏核桃】桃實之肉薄而尖。頭偏。狀如半月。仁似新羅桃子者。功用與尋常桃實同。

【偏氣】小兒氣疝之別稱。

【偏產】產時有兒轉身未正。產母用力一逼。致兒頭偏。柱左右兩腿而不能下者。宜令產母仰臥。使接生者用手輕輕推兒向上。扶正其頭。然後令產母用力一

送。即便生下。參看臨產條。

【偏痛】偏於一邊之痛也。〔素問氣穴論〕上氣短氣偏痛。

【偏絕】脈象。一手全無爲偏。二手全無爲絕。〔靈樞五禁篇〕身熱脈偏絕。

【偏虛】氣血偏枯而虛之也。〔素問脈解篇〕所謂偏虛者。冬寒頗有不足者。故偏虛爲跛也。

【偏腦疽】腦疽之生於旁面者。

【偏對口】對口證之略偏者。

【偏對口疔】此證由大毒纏結五臟而成。生於天柱骨旁側軟肉處。較正對口疔之由外感而發者。尤爲險重。初起小泡。但覺甚癢。宜服加味三星湯。并服紺珠丹汗之。如陰虛火旺。煩渴腫痛。宜服加味四妙湯。大潰宜服七聖湯。始終不可服寒涼之品。外治薰法刮法。俱與正對口疔同。但正對口疔屬陽。來勢雖猛。較爲易治。此則多屬陰證。如身倦沈重。體熱面白。形寒瘡黯。而不甚痛。或旁生許多小瘡者。不可誤作護場瘡。視爲輕證。又不宜輕灸。灸則常有面目俱腫。煩躁

不安等變證。參看疔瘡條。

【偏精】黃精之葉偏生不對者。

【偏墜】舉丸之或左或右一偏墜下者。宜按疔法治之。如不應。此熱證也。宜取芙蓉花根。去心用皮。搗極融爛。加大黃末敷之。二三日必愈。又凡左偏墜下而不痛者。宜用黨參三錢。當歸（酒洗）黃耆（炙）各二錢。川芎。川棟子。小茴香。橘核。荔枝核。各一錢。附子。肉桂（去皮。作一二三次沖服）川椒。各五分。赤芍藥一錢五分。服一二劑自愈。餘詳疔條。

【偏歷】手陽明別絡之稱。見〔靈樞經脈篇〕。詳手陽明之別條。

【偏歷穴】〔靈樞根結篇〕手陽明入於扶突。偏歷。按此穴屬手陽明大腸經。在腕中後三寸。手陽明絡脈。別走太陰。主寒熱。瘧疾。癩疾。多言。風汗不出。眯目。眦腫。鼻衄。耳鳴。喉痹。咽乾。齒痛。肩膊肘腕痠痛。小便不利。實則齶聾。宜瀉之。虛則齒寒。痹。宜補之。銅人。鍼三分。留七呼。灸三壯。明堂。灸五壯。

【偏頭風】頭風之偏左偏右者。此證屬少陽厥陰二經。

因素有溼痰。加以邪風內襲。久而鬱熱爲火。有左痛忽移於右。右痛忽移於左者。此風火擊動其痰溼之氣。所以互換也。痛久不已。令人喪明。蓋目爲肝之竅。肝風內動。則害空竅。木邪亢盛。則風火內生。鼓動胸中之痰積。隨火上逆而爲患矣。治法如下。①溼痰與火內伏。雖盛夏頭猶欲包裹者。宜越婢湯加減。挾溼者加蒼朮。(泔製)川烏。(黑豆汁製)挾火者加山梔。(薑汁炒)左痛者加黃芩。右痛者加石膏。(薑汁煨)溼熱盛而連目腫者。加大黃。(酒製)有邪風者。加細辛。川芎防風。②左邊痛而腫者屬風。宜荊芥薄荷。痛而熱者屬血。宜川芎。當歸。體肥之人。右邊痛者屬痰。宜蒼朮。半夏。體瘦之人。左邊痛者屬熱。宜黃芩。石膏。遇寒卽痛者。屬寒伏於腦。宜頭風摩散。或用川烏末。醋調塗痛處。產後頭痛者。宜倍用芎歸。③頭風兼嘔涎者。白槿樹花陰乾。焙脆爲末。每服三錢。熱酒調服。或用荷葉蒂七枚。生薑三片。陳芽茶一撮。水酒各半煎服。溫覆取汗。④頭風腦中空痛者。用當歸。川芎。各三錢。黃牛腦子一個。和勻。分三次熱酒送下。臥醒卽

愈。⑤婦人頭風。兼白帶下者。用白蜀葵花。(去蒂)七朶。川芎當歸。各一錢。蘄艾葉八分。水酒各半煎成。乘熱先熏後服。⑥偏頭風痛不已。用香白芷。豬牙。阜角。(去皮筋)白附子。各等分。研爲末。每服一錢。食後臘茶調下。右疼右邊臥。左疼左邊臥。皆疼仰臥。⑦京芎細剉浸酒。日飲之。⑧川芎五錢。晚蠶沙二兩。殭蠶。如患者年歲之數。以水五碗。煎至三碗。就沙鍋中以厚紙糊滿。中開錢大一孔。取藥氣熏蒸痛處。每日一次。雖年久者。不過三五次。永不復發。⑨紅娘子七枚。茴香七瓣。研爲細末。同葱白頭七個。(連鬚)研爛塗痛處。痛止。永不復發。⑩平時置新鮮木瓜於枕邊。取香氣透達。引散肝風。⑪鬱金一顆。苦葫蘆子一合。研爲細末。每用一錢。以白絹子裹之。新汲水內浸過。滴向患處鼻中。得黃水出卽愈。⑫華撥細辛。研爲末。豬膽汁調搗鼻中。⑬蓖麻子五錢。(去皮)大棗十五個。共搗爛。用箸捲之。去箸納鼻中。良久。取下清涕卽止。⑭硃砂末。鼓心各一分。搗丸。如阜子大。綿包露出一頭。隨左右納鼻中。⑮雄黃細辛爲末。左邊痛嗅入右鼻。

右邊痛嗅入左鼻。牙阜末吹鼻中取嚏。

【偏頭風目失明】目失明之由於偏頭風者。此證分左右兩邊。如左邊頭痛。則損左目。右邊頭痛。則損右目。左右皆痛。則雙目失明。若外有赤痛淚澀。必生外障。內有昏渺眩暈。必生內障。法宜按其屬於何經。以爲施治。如羌活芎藭湯。柴芎湯。蒼朮湯。細辛湯。吳茱萸湯。升麻芷葛湯之屬。均可選用。

【偏頭痛】偏頭風之甚者。

【做打麻】即番打馬。

【停耳】即聾耳。

【停食感冒】感冒之兼停食積者。治詳感冒條。

【停飲心痛】此證多惡心煩悶。時吐黃水。甚則搖身作水聲。由傷水飲及痰涎積聚所致。治宜小胃丹。胃苓湯。熱飲加黃連。甘遂。寒飲加肉桂。茯苓。蒼朮。半夏。若水飲流注胸膈痛者。宜三花神佑丸。參看心痛條。

【停飲喘】喘之因於停飲者。宜吐之。不應用木防己湯。參看喘條。

【健志丸】證治準繩方。功用久服令人不忘。耳目聰明。

身體輕健。藥品天門冬（去心）遠志（去心）白茯苓（去皮）熟地黃各等分。製法研爲細末。煉蜜和丸。如梧桐子大。用法每服四五十九。空腹時米飲送下。每日二次。

【健忘】即善忘。

【健步丸】李東垣方。功用治長夏暑溼。藥品羌活。滑石（炒）肉桂（一作五分）甘草（炙）瓜蒌根（酒製）柴胡各五錢。防風。澤瀉各三錢。川烏頭。苦參（酒洗）各一錢。防己（酒洗）一兩。製法共研細末。酒煮米糊爲丸。如梧桐子大。用法每服十九。空腹時煎愈風湯或葱白荊芥湯送下。

【健步四製蒼朮丸】沈氏尊生書方。功用治長夏暑溼。藥品蒼朮八兩（以川椒補骨脂。川芎五味子各二兩同炒。揀淨取蒼朮）黃柏二斤（以人乳汁童便米泔各八兩浸。酥八兩炙。浸炙各十三次）製法共研細末。煉蜜爲丸。如梧桐子大。用法每服三五十九。早午茶酒送下。晚時熟湯送下。

【健步虎潛丸】即虎潛丸。

【健固湯】傳青主女科方。功用治經前洩水一二日而後行。藥品人參五錢。白朮一兩（土炒）薏苡仁（炒）茯苓巴戟肉（鹽水浸）各三錢。用法清水煎服。十劑可愈。雜論此方健脾氣以固脾血。則血攝於氣之中。脾氣日強。溼自能化。溼既化盡。經自然調。又有經前洩水之患哉。

【健骨散】沈氏尊生書方。功用治項軟。藥品白殭蠶不拘多少。用法研為末。每服五分或一錢。酒泡薄荷調下。一日三次。

【健脾丸】證治準繩方。功用治脾胃不和。飲食勞倦。藥品白朮二兩五錢（炒）木香（另研）黃連（酒炒）甘草各七錢五分。白茯苓（去皮）二兩。人參一兩五錢。神麴（炒）陳皮砂仁麥芽（炒取麴）山查肉山藥肉豆蔻（麪裏煨熟紙包搥去油）各一兩。製法共研細末。蒸餅為丸。如綠豆大。用法每服五十九丸。陳米湯送下。空腹下午各一次。即人參健脾丸。

【健脾化食散氣湯】傳青主生化編方。功用治產後傷風傷食。無塊痛者。藥品白朮當歸人參各二錢。川芎

一錢。黑薑四分。陳皮三錢。用法清水煎服。麪食加神麴。麥芽肉積加山查砂仁。寒冷之積。加吳茱萸肉桂。虛甚加人參。白朮。消補兼施。無不安者。

【健脾利水生化湯】傳青主生化編方。功用治產後血塊已除而泄瀉者。藥品茯苓一錢五分。當歸身二錢。黑薑四分。陳皮甘草（炙）各五分。人參三錢。肉果一個（煨）川芎白朮（土炒）各一錢。澤瀉八分。用法清水煎服。寒瀉加乾薑八分。寒痛加砂仁。炮薑各八分。熱瀉加黃連（炒）八分。瀉水腹痛。米飲不化。加砂仁八分。麥芽山查各一錢。瀉有酸臭氣。加神麴砂仁各八分。水瀉加蒼朮一錢。諸瀉俱加升麻（酒炒）五分。蓮子十粒。

【健脾散】證治準繩方。功用養小兒胃氣。藥品白茯苓（去皮）人參各一兩。厚朴三兩（薑汁炙一作二兩）蒼朮（米泔浸一宿）四兩。陳橘皮（去白）五兩。甘草（半生半炙）草果（去皮）各二兩。用法研為末。每服一錢。加生薑大棗。清水煎服。量兒大小加減。

【健脾湯】傳青主生化編方。功用治產後脅下積塊。服